

BE.230. NA MALUNGUN DO ROHANGKU (Bb=1)

=====

B.E. 230. NA MALUNGUN DO ROHANGKU

1. Na malungun do rohangku Mida Jesus Tuhanki
Ai disesa do dosangku Diurasi rohangki
Dibagasan parsahitan Marsigantung au tu Ho
Olo do au mangihuthon PanoguonMi tu Ho.

2.Sai palua ma rohangku Sian na di tano on
Asa Ho hangoluanku Dohot hasonangankon
Beta hita tu Ibana Tabege hataNa i
Holong situtu rohaNa Patut oloanta i.

3. Sangkap nang pangidoanta Dohot na tahirim pe
Ro di angka pingkiranta Di Tuhanta ma sude
Tapararat ma hataNa Tu na so porsea i
Atik saut dope mardame Angka na manjua i.

4. Molo pos roham di Jesus Tinggal di tanganNa i
Sonang ma roham sai tulus Do huhut sinangkapMi
Jadi sai togihononNa Ho muse tu surgo i
Gabe nasa ugasanNa Dohot ho manean i.